

PELANCARAN KARNIVAL BANGKIT BERSAMA HIDUP PENUH ERTI ANJURAN BERSAMA TENTERA UDARA DIRAJA MALAYSIA DAN BAKAT UDARA

 airforce.mil.my/berita/acara-rasmi/3410-pelancaran-karnival-bangkit-bersama-hidup-penuh-erti-anjuran-bersama-tentera-udara-diraja-malaysia-dan-bakat-udara

KUALA LUMPUR, 29 Apr 18 – Panglima Tentera Udara, YBhg Jen Tan Sri Dato' Sri Hj Affendi bin Buang TUDM dan Pengurus Jemaah Tertinggi BAKAT Udara, YAM Tengku Puteri Seri Teja Pahang Puan Sri Hjh Tengku Muhamaini binti Sultan Ahmad Shah telah merasmikan Pelancaran Karnival Bangkit Bersama - Hidup Penuh Erti. Karnival ini merupakan satu program kesedaran kepada Warga TUDM mengenai gejala penyalahgunaan dadah berbahaya yang akan mengganggu keharmonian rumah tangga sekaligus organisasi TUDM serta Negara. Program ini merupakan satu inisiatif pucuk pimpinan tertinggi TUDM dalam memupuk kesedaran serta mendidik anggota TUDM bebas daripada penggunaan dadah berbahaya.

Objektif program ini adalah seperti berikut:

1. Memberikan kesedaran kepada semua peringkat anggota tentang bahaya penyalahgunaan dadah, kesan kepada individu, keluarga dan TUDM serta melahirkan anggota bebas penyalahgunaan dadah.
2. Memberi pendidikan awal kepada warga TUDM dan BAKAT Udara tentang jenis-jenis dadah serta trend dadah terkini yang selalu disalahgunakan.
3. Memupuk dan mengamalkan budaya hidup yang sihat serta mewujudkan keharmonian dan kesejahteraan rumah tangga.
4. Menyalurkan maklumat kepada anggota tentang hukuman dan kesan akibat penyalahgunaan dadah berbahaya.

Antara aktiviti yang dijalankan adalah Forum Kesedaran Penyalahgunaan Dadah, pertandingan mewarna kanak-kanak, booth Pameran Dadah serta gerai-gerai jualan yang dikendalikan oleh ahli BAKAT Udara. Bagi menjayakan forum tersebut para panel yang



dijemput adalah daripada Agensi Anti Dadah Kebangsaan (AADK), Persatuan Pencegahan Dadah (PEMADAM) dan PENGASIH Malaysia.

